

ქ. მცხეთა

14 იანვარი 2014 წ.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტი“ თავმჯდომარის - ირაკლი ღვალაძის მიერ 2013 წლის 03 იანვრის №04 ბრძანებით მინიჭებული უფლებამოსილების საფუძველზე) და მეორეს მხრივ, შპს „კარიბჭე 2009“ (შემდგომში „შემსრულებელი“) წარმოდგენილი მისი დირექტორის მარიამ ლომაშვილის სახით, კანონის 10¹ მუხლის მე-3 პუნქტის „ვ“ ქვეპუნქტის შესაბამისად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და შემსრულებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „შემსრულებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ხელშეკრულების საგანს წარმოადგენს მ/წ 14 იანვარს მოწვეული ჟურნალისტების გამასპინძლების მიზნით საკვების მიწოდების მომსახურებით უზრუნველყოფა (CPV-55320000), კერძოდ:

- იმერული ხაჭაპური, რაოდენობა: 5 ცალი, ერთეულის ფასია: 8.00 ლარი, სულ: 40.00ლარი.
- ჩურჩხელა ნიგვზით, რაოდენობა: 5 ცალი, ერთეულის ფასია: 2.00 ლარი, სულ: 10.00ლარი.

3. ხელშეკრულების ჯამური ღირებულება

- 3.1. ხელშეკრულების საერთო ჯამური ღირებულება დღგ-ს ჩათვლით შეადგენს: **50.00 (ორმოცდაათი) ლარს.**
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ შემსრულებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. ანგარიშსწორების ფორმა და ვადები

- 4.1. შემსრულებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. ანგარიშსწორების განსახორციელებლად შემსრულებელმა უნდა წარმოადგინოს შემდეგი დოკუმენტები:
 - 4.2.1. მხარეთა მიერ ხელმოწერილი მიღება-ჩაბარების აქტი;
 - 4.2.2. საგადასახადო ანგარიშ-ფაქტურა.
- 4.3. ანგარიშსწორება განხორციელდება 4.2. პუნქტით გათვალისწინებული დოკუმენტაციის წარდგენიდან 10 (ათი) კალენდარული დღის განმავლობაში, შემსრულებლის მიერ წინამდებარე

ხელშეკრულებაში მითითებული რეკვიზიტების მიხედვით.

5. მიღება-ჩაბარების წესი

- 5.1. მომსახურება ჩაითვლება შესრულებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: ბ. მანჯგალაძე (ადმინისტრაციული დეპარტამენტის მთ. სპეციალისტი).

6. მხარეთა უფლება-მოვალეობანი

- 6.1. შემსყიდველი უფლებამოსილია:
- ა) განახორციელოს შემსრულებლის მიერ ნაკისრი ვალდებულებების შესრულებისა და ხარისხის კონტროლი.
- 6.2. შემსყიდველი ვალდებულია:
- ა) უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 6.3. შემსრულებელი უფლებამოსილია:
- ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.4. შემსრულებელი ვალდებულია: შემსყიდველს გაუწიოს აღნიშნული ხელშეკრულებით გათვალისწინებული მომსახურება დადგენილ ვადებში და საქართველოში მოქმედი ნორმებითა და სტანდარტებით.

7. ხელშეკრულებით ნაკისრი ვალდებულებების შესრულების ინსპექტირება

- 7.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 7.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება შემსრულებელს საქართველოს კანონმდებლობით დადგენილი წესით.

8. პირგასამტეხლო ხელშეკრულების პირობების შეუსრულებლობისათვის

- 8.1. ფორს-მაჟორული პირობების გარდა, შემსრულებლის მიერ ხელშეკრულების პირობების შეუსრულებლობის შემთხვევაში გამოიყენება საჯარიმო სანქციები.
- 8.2. ხელშეკრულებით ნაკისრი ვალდებულებების შეუსრულებლობის შემთხვევაში შემსრულებელს ეკისრება პირგასამტეხლო ხელშეკრულებით განსაზღვრული თანხის 10%-ის ოდენობით, რომლის გადახდაც მოხდება შემსყიდველის მიერ დასაბუთებული წერილობით მოთხოვნისთანავე.

9. ხელშეკრულებაში ცვლილებების შეტანა და ხელშეკრულების შეწყვეტა

- 9.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.
- 9.3. ხელშეკრულება შეიძლება შეწყდეს ნებისმიერ დროს მხარეთა ინიციატივით, ურთიერთშეთანხმების საფუძველზე.

10. ფორს-მაჟორი

- 10.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან შემსრულებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. უფლებების გადაცემა

შემსრულებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე პირს.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება შედგენილია ქართულ ენაზე სამ თანაბარმნიშვნელოვან ეგზემპლარად (ერთი ეგზემპლარი შემსრულებელს, ხოლო ორი შემსყიდველს).

13.2. ხელშეკრულება ძალაში შედის ხელშეკრულების გაფორმების დღიდან და მოქმედებს 2014 წლის 20 თებერვლამდე.

მხარეთა რეკვიზიტები და ხელმოწერები

შემსყიდველი

შემსრულებელი

საქართველოს ინტელექტუალური საკუთრების ეროვნული ცენტრი „საქპატენტი“
მისამართი: ქ. მცხეთა ანტიოქიის ქ. №5
საიდენტიფიკაციო კოდი: 203831363
საბანკო რეკვიზიტები:
ს/ს „საქართველოს ბანკი“ ც/ფ,
ბანკის კოდი: BAGAGE22
ანგ. №GE57BG0000000892218200

შპს „კარიბჭე 2009“
მის: ქ. მცხეთა, მამულაშვილის ქ. №2
საიდენტიფიკაციო კოდი: 204575584
საბანკო რეკვიზიტები:
ს/ს „საქართველოს ბანკი“ ც/ფ,
ბანკის კოდი: BAGAGE22
ანგ. №GE27BG 0000 0008 7775 4100

საფინანსო დეპარტამენტის
ვლადიმერ სიხარულიძე



დირექტორი
მარიამ ლომაშვილი



მიღება-ჩაბარების აქტი №19

2014 წლის 14 იანვრის „სახელმწიფო შესყიდვის შესახებ ხელშეკრულებით №19“ გათვალისწინებული ვალდებულებების შესრულების შესახებ

ქ. მცხეთა

14 იანვარი 2014 წ.

საქართველოს ინტელექტუალური საკუთრების ეროვნული ცენტრი „საქპატენტი“ 2014 წლის 14 იანვრის „სახელმწიფო შესყიდვის შესახებ ხელშეკრულების“ მე-2 მუხლის შესაბამისად შემსრულებელმა: შპს „კარიბჭე 2009“-მ უზრუნველყო მ/წ 14 იანვარს საკვების მიწოდების მომსახურებით (CPV-55320000) ქ. მცხეთაში, საქპატენტის ოფისში, რაც დაკავშირებული იყო მ/წ 14 იანვარს „საქპატენტში“ მოწვეული ჟურნალისტების გამასპინძლებასთან.

გაწეული მომსახურების საერთო ღირებულება დღგ-ს ჩათვლით შეადგენს: 50.00 (ორმოცდაათი) ლარს. კერძოდ:

- იმერული ხაჭაპური, რაოდენობა: 5 ცალი, ერთეულის ფასია: 8.00 ლარი, სულ: 40.00 ლარი.
- ჩურჩხელა ნიგვზით, რაოდენობა: 5 ცალი, ერთეულის ფასია: 2.00 ლარი, სულ: 10.00 ლარი.

წინამდებარე მიღება-ჩაბარების აქტი 2014 წლის 14 იანვრის „სახელმწიფო შესყიდვის შესახებ ხელშეკრულების“ მე-4 მუხლის „4.1.“ პუნქტის შესაბამისად წარმოადგენს უნაღდო ანგარიშსწორების საფუძველს.

„შემსყიდველი“

„საქპატენტი“

ადმინისტრაციული დეპარტამენტის

მთ. სპეციალისტი



ბ. მანჯგალაძე

„შემსრულებელი“

შპს „კარიბჭე 2009“

დირექტორი:



მ. ლომაშვილი

მის: ქ. მცხეთა, მამულაშვილის ქ. №2, საიდენტიფიკაციო კოდი: 204575584;
საბანკო რეკვიზიტები: ს/ს „საქართველოს ბანკი“ ც/ფ, ბანკის კოდი: BAGAGE22;
ანგ. №GE27BG 0000 0008 7775 4100